

# A Call to Parties and Church

نداء الى القوات والكتائب والكنيسة نداء

لقد فاقت التصاريح والمعطيات التاريخية والتحليل المضلّلة ما يمكن هضمه هذا الأسبوع، رغم أنه، وإنّ غسل الادمغة ليس هو المقصود، فالأخير ضرر مباشر نتيجة تدوير الزوايا وتغليب الكلام المعسّل الموروث الذي بات يُعتبر الحقيقة الثابتة، على المصارحة الحبيّة، لتحقيق المرجو، ألا وهو السلام في لبنان.

وإبعاد الناس عن الحقيقة يضيع تشخيص المعضلة اللبنانية ويبعدنا عن الحلول السليمة.

فكان هذا الاسبوع حديث لمرجع كنسي ولقيادي كتائبي ولقائد القوات ومما سمعناه:

(١) لبنان الكبير نجح (لا تعليق)

(٢) لدى انشاء لبنان الكبير كان في تردد إسلامي (لأ. كان في رفض كلّ \_ وكان معن حق)

(٣) الحويّك كان واعي إنو المسيحية هي للعيش مع الآخر (لأ، كان واعي للخطر الوجودي إذا بتراجعوا مراسلاته؛ وحتى إذا المسيحية هي للعيش مع الآخر، نحنا "مسيحية لبنان" أكثر من أتباع ديانة (مسيحية) نحنا شعب (كنعاني \_ حامل جنسية لبنانية حاليًا)، ووجودنا [لناحية هل يمكن إنو نعيش مع الآخر] هو مسألة وجود شعب قبل ما تكون مسألة وجود أتباع ديانة)

(٤) المسيحية لا تُعاش بالانغلاق (مبلى). عند الضرورة، جدودنا عاشوا بالانغلاق ولمدة ٧٥٠ سنة [٦٣٤ - ١٣٨٢]

(٥) الحويك عمل لبنان الكبير لكل اللبنانيين (يا عمّي ساقبوا هول هنيّ الناس يلي كانوا ساكنين بالمناطق يلي أعيدت إداريًا إلى كنف أرض لبنان التاريخية، شو هوّ الحويك كان شايف فرق بين سنة وادي خالد وسنة القصير أو سنة مروحين وسنة فلسطين؟ ما هني فرد مجموعة سوسيولوجية)

(٦) رسولية الكيان اللبناني والضرورة للآخر المختلف من أجل وجود مسيحي مستقل (لا تعليق، بس هيك شكلها عبارة لحجة على "ضرورة الآخر")

(٧) التعويل على "لبنان أولاً" عند إخوتنا السنة وكأنو بات أبدي

(٨) التعويل على اعتراف إخوتنا الشيعة بلبنان على أساس أنّ عبارة "في لبنان" ضمن اسم الحزب: "المقاومة الإسلامية في لبنان" (طيب ليش مش "المقاومة الإسلامية اللبنانية"؟ لأن "اللبنانية" صفة، والصفة بتكون ملزمة للعقيدة / للممارسة السياسية، وكمان لأن الإسلام هو عالمي بجوهره، ما بيعترف بقوميات ودول وبيدعي لدولة إسلامية واحدة؛ أما "لبنان" فهو اسم أرض غير ملزم بشي، اسم منطقة بكل بساطة. إذن يحق له ألا يعترف بلبنان من حيث الاسم، وهو لا يعترف به إلا كأرض، على أن تكون الأخيرة جزءًا من الأمة المسلمة يومًا ما)

(٩) الدروز اسسنا نحنا وياهن لبنان (لأ. لبنان تأسس مع يوحنا مارون قبل ١٠٠٠ سنة، بس السردية التكاذبية طمست التاريخ وطمست كل مشاكلنا يلي من ريد نحلّ مع الدروز، والمنهج اللبناني منذ الستينات قرر يبلّس تاريخنا من سنة ١٥١٦؛ وتجربة فخر الدين وبشير كانت مع الغرب ضد الأتراك وضد القاعدة الدرزية والمحيط السني، والامتيازات تبع الإمارة يلي تأسست سنة ١٥١٦ جابوها المسيحيين لوحدن سنة ١٣٨٢ وكفّت مع الإمارة، \_ للحديث تنمة)

١٠) التعويل على قول السيد رشيد درباس (السنّي) "أنا مدين للبنان لأنه أنقذني من أن أكون مواطناً في إحدى دول الجوار القاتلة" (يعني لو لم تكن الدول كذلك لطاب له أن يكون مواطناً فيها؟ إذا الجواب "نعم"، فهذا أمر طبيعي، وإذا لا، يعني هو سنّي بالاسم)

١١) التعويل على عدم مطالبة المسلمين بالانضمام إلى دولة أخرى منذ أن قبلوا بلبنان (اليوم أكيد مش رح يطالبوا! ليش أي دولة ماشية لينضموا إلها؟ بس بال ٥٨ ما طالبوا؟)

١٢) المتصرفية كانت المرحلة الأكثر ازدهاراً (لأ. مشان هيك كتب البطريرك سنة ١٩١٣ لفرنسا للضغط على الأتراك لإعطاء مردود من الجمارك والتلغراف للمتصرفية، من بعد ما هاجر تلت مسيحية جبل لبنان بين ١٨٨٠ و ١٩١٤ \_ ورجع مات تلت ثاني: فكركن ليش المتحدرين ٩ ملايين و ٨٠٪ ممن مسيحيين، ونحن هون هلقد قلل ولا حقيناً بالعديّة؟)

١٣) البطريرك رفض سنة ١٩٢٦ إلغاء الطائفية السياسية محبةً بتمثيل الكل (لأ. من بعد ما جبر الإسلام ولحد معين الروم بلبنان، كان بعد ناقصن ما يتمثلوا! وكان سقط لبنان بوقتها)

١٤) نظام لبنان التوافقي أرقى نظام بالعالم بس ما في مين يديرو (لأ. بالعلوم السياسية، مبدأ التوافقية معمول للأنظمة الاتحادية يعني الفدرالية، مش للأنظمة المركزية، ومشان هيك مش ظابط بلبنان، حتى لو مين ما إجا يديرو)

١٥) الشيعة اللبنانيين غير الشيعة الفرس الإيرانيين، هني طول عمرن لبنانيين أكثر من أي لبناني وتعويلنا علّين (عدد الشيعة يلي هيك بلبنان هو ضئيل، وهيدا شي طبيعي، وهني عملياً، إذا كانوا هيك، يكونوا خارج الإسلام وخارج "الشيعة". ما تعولوا ع استثناءات، بنوا على القواعد؛ بعدان تحديداً، كيف الشيعة طول عمرن لبنانيين \_ وأكثر من غيرن؟ لمن تم انزالن من قبل العباسيين سنة ٩٠٨ أو مع أدهم خنجر بوادي الحجير سنة ١٩٢٠؟)

١٦) التعويل على إنو الدروز بفكروا غير وليد جنبلاط (بعد ٣٠٠ سنة من حكم آل حنبلاط، هني وراه ومع الإسلام والعروبة، ومعن حق. التوضع السياسي تبع جنبلاط هو لحمايتن وحماية حاله)

١٧) عدم الرهان على تغيير هوية لبنان (العربية؟ أو شو هي؟ وليش أصلاً لبنان إلو هوية عملياً؟ بلجيكا ما إلها هوية، فيا شعبين ولكل واحد هويته. وبلبنان في شعبين: بس منحّب نقول هوية لبنان عربية إرضاء للمسلمين (وبسبب الطائف)، ونزيد "بنكهة خاصة لبنانية" إرضاء للمسيحيين للأمور المُعتبرة "لبنانية"، دون العلم إنو هي حقيقة "كنعانية" وهي صراحةً تبع البيئة المسيحية، يلي يعيشوها الإسلام من وراهن: مازا دبكة اللغات الانفتاح بالغرب حقوق المرأة إلخ...)

١٨) ضرورة التزام لبنان بالقضايا العربية (تحرير القدس مثلاً؟ مقاطعة سوريا إذا أغلب العرب بدّن مثلاً؟ السلام مع الجيران إذا أغلب العرب بدّن مثلاً؟ أنا الكنعاني بقرر عن حالي، أو أنا وخيي المسلم بلبنان منقرر سوا إذا كنا بفرد دولة فدرالية)

١٩) اعتبار الحزب طرف لبناني وشريك في الوطن (بوقت هو الحزب نفسه لا يعتبر نفسه كذلك بكل أدبياته وممارستها، وإلو حق ومعو حق، ومنو الحزب الوحيد يلي وضعيته هيك)

٢٠) اعتبار مصالح الجبل تاريخية وواضحة (أين مفاعيلها؟)

٢١) ضرورة انتخاب رئيس للجمهورية على أساس قواعد دستورية واضحة (شو بيتغير إذا إجا رئيس اليوم؟ حتى ولو كان قائد القوات نفسه؟ رح يكون مكبل بالدستور وبحقوق الطوائف. ثاني شي ليش أصلاً الدستور واضح؟ وإذا واضح لناس، متفقين الكل بإنو واضح؟ نسينا النص زايد واحد والتلتين من إيام ٢٠١٦ لحد اليوم؟)

هل ٢١ نقطة هني ٢١ طلقة شرفية متل يلي تُطلق بمراسم دفن الكبار، و"لبنان كبير".